

1 Soo koobid

Guudmarka Qaabka Cusub ee La Soo Jeediyay

Qoraalkan wargalinta ahi wuxuu qeexayaa qaabka ay Dowladu u fulinayso balanqaadka Barnaamijka ee Dowlada si loo joojiyo shirka Direct Provision laguna badalo 'siyaasad cusub oo hoy-siin ee magangalyada Caalamiga ah, oo ay udub dhexaad u tahay nidaam aan macaash doon ahayn.'

Gundhigga dib-u-habayntan ayaa ah ballan-qaad ah in nidaamkan cusub uu bixin doono hoy, caafimaad, waxbarasho, taageero dakhli iyo baahiyko kale oo adeegyo ah wuxuuna noqon doonaa mid xirfad leh oo salka ku haya nidaamka xuquuqda aadanaha.

Ireland, iyada oo xubin ka ah Qaramada Midoobay iyo Midowga Yurub, waxaa ka go'an inay siiso amaan, magangalyo waarta kuwa doonaya magangalkeena sababo dagaal, cadaadis haybsooc iyo cadaadis socdaal.

Warqaddan wargalinta ahi waxay qeexaysaa nidaamka cusub ee joogtada ah, xirfadda ku dhisan ee nidaamka uu saldhiga u yahay cadsadah ee hoy-siinta iyo taageerada kuwa raadinaya heerka Badbaadinta Caalamiga ah, taas oo u oggolaan doonta Gobolka inuu fuliyo ballamaheena caalamiga ah hadda iyo mustaqbalka.

Waraaqdan wargalinta ah waxaa lagu ogeysiyyaa shaqada Kooxda La-talinta ee Bixinta Taageerada oo ay ku jiraan gurgida qofk ku jira Nidaamka Badbaadinta Caalamiga ah - oo ay guddoomisay Dr Catherine Day oo tan dambe loogu yeeri doono 'Kooxda La-talinta' - iyo Koox-Waaxeedyada ee Ilaalinta Caalamiga. Warbixinta Kooxda La-Talinta waxay muujisay sida moodelkan hadda jira loo soo afjari karo looguna beddeli karo nidaam ka qimo jaban.

Waraaqdan Wargalintu waxay dejineysaa qaab cusub oo si gaar ah uga duwan nidaamka hadda jira. Sidaan soo sheegnay, nidaamkan wuxuu udub dhexaad u noqon doonaa habka xuquuqul insaanka; oo leh taageero muhiim ah oo loogu talagalay xaqiijinta is dhengalka madaxbanaanida.

Geediyada.

Nidaamka cusub wuxuu soo jeedinaya qaab labo waji ah oo lagu waafajinayo cadsadayaasha Magangalyada Caalamiga ah.

Wajiga Koowaad.

Hoysiinta Wejiga Koowaad, cadsadaha waxaa la dejin doonaa Xarunta Qaabilaadda iyo Isdhengalka muddo afar bilood ah. Muhiimadda wajiga koowaad waxay noqon doontaa aqoonsiga baahiyaha, qeexidda hababka loo raacayo, iyo isku xirka cadsadayaasha adeegyada ku habboon.

Mabda'a hagidda Wajiga Koowaad wuxuu noqon doonaa hanaan lagu doonayo in lagu dhiirrigeliyo is dhengalka maalinta koowaad, si dadka loo tuso wadada ugu guusha badan ee suurtagalka ah ee loogu noolaanayo nolol madaxbannaan dalka Ireland, haddii cadsigooda uu noqdo mid guuleysta.

Degista Xarumaha Qaabilaadda iyo Isdhexgalka ayaa albaab u noqon doona qoysaska iyo qol u gaar ah dadka kelidood ah, iyada oo si gaar ah loogu waafajin doono dadka nugul ee la aqoonsaday. Macluumaad dhameystiran oo ku saabsan nidaamka magangalyada caalamiga ah ee codsadayaasha ay sameynayaan ayaa loo soo bandhigi doonaa dhamaan codsadayaasha, taas oo luuqad ahaan lagu heli karo luqadaha ugu caansan. Tan waxaa ku jiri doona macluumaad ku saabsan adeegyada Guddiga Gargaarka Sharciga, adeegyada Caafimaadka, Taageerada waxbarashada, Daryeelka Carruurta, macluumaadka ku saabsan hawlgalinta iyo shaqaalaynta.

Hanuuninta degdeggaa ah iyo barnaamijka luuqadda Ingiriisiga ayaa la bixin doonaa.

Qimaynta u nuglaanta ayaa loo samayn doonaa si loo go'aamiyo hoysiinta iyo baahiyaha adeegga, waxayna gacan ka geysaneysaa qeexidda dariiqooyinka taageera ee ku habboon kuwa ugu nugul

Codsaduhu wuxuu ku xirnaan doonaa adeegyada ku habboon, oo ay ku jiraan adeegyada shaqada.

Qiimeyn Caafimaadka (HA) ayaa la siin doonaa dhammaan codsadayaasha cusub ee Magangalyada Caalamiga ah ee Wajiga Koowaad.

Waxaa si gaar ah diiradda loo saari doonaa baahiyaha carruurta u timaadda Ireland qoysaskooda.

Codsaduhu wuxuu sii wadan doonaa inuu helo gunno inta uu ku sugan yahay Xarunta Qaabilaadda iyo Isdhexgalka, oo la mid ah tan hadda la siiyay dadka ku jira hoyga Adeegga iyo ilaalinta Caalamiga ah ee (IPAS).

Codsadayaashu way awoodi doonaan inay codsadaan inay furtaan xisaab bangi waxaana la siin doonaa macluumaad ku saabsan sida loo sameeyo tan.

Codsadeyaashu waxay xaq u yeelan doonaan inay codsadaan rukhsadaha darawallada ee dalka Irland inta ay ku jiraan wajiga koowaad ee qaabilaada iyo hoysiinta.

Guud ahaan, lix Xarumood oo Qaabilaad iyo Is-dhexgal ah ayaa la dhisi doonaa kuwaas oo ku yeelan doona lahaanshaha Gobolka una shaqeyn doona Gobolka oo bixin doona Adeegga cusub ee Taageerada Caalamiga ah.

WAJIGA LABAAD

Marxaladda Labaad, culeyska waxa la saarayaan kobcinta nolol madax bannaan oo bulshada dhexdeeda ah.

Dhammaan hoysiinta Wajiga Labaad waxay noqon doonaan hoy u gaar ah dadka, guryo iskood u gaar ah ama guryo qoysaska si ay u siiyaan asturnaan, wakaalad iyo madax-bannaani. Dadka keligood ah waxaa la dejin doonaa midkood guryaha la wada deganyahay ama qol u gaar ah.

Guryuhu waxay ku dhix yaalliiin bulshada dhixdeeda, iyadoo laga heli doono taageero si loo dhiirrigeliyo isku xirnaanshaha.

Codsadeyaasha ku jira Wajiga Labaad waxaa la siin doonaa hoy iyadoo loo marayo dhinacyo kala duwan, waxaa la filaya in labada ikhtiyaar ee ugu horreysa halkan ay ku siin doonaan inta ugu badan waxa loo baahan yahay:

- Guryo / hoy ayaa laga dhisi doonaa / laga heli doonaa hay'adaha guryaha ee la ansixiyay ama ururo u dhigma. Doorashadan waxaa loo isticmaali doonaa qoysaska iyo dadka kelidood ah, gaar ahaan dadka kelidood ah ee nugul.
- Dhismayaasha waxaa dib loogu soo celin doonaa iyada oo loo marayo dadaallada cusbooneysiinta magaaloo yinka si hoy loogu sameeyo dadka keligood ah.
- Qorshaha Kireyso qol ayaa loo isticmaali doonaa in laga helo qaar ka mid ah hoyga dadka kelida ah.
- Kiraystayaasha gaarka loo leeyahay ayaa loo isticmaali doonaa inay ka helaan hoy ay leeyihii qoysaska hadba sida loogu baahdo.
- Hoy ayaa laga heli doonaa dhammaan gobollada. Goobta iyo tirada codsadeyaasha ee la dejinayo degmo kasta waxaa lagu go'aamin doonaa iyadoo la raacayo qaab dejin qaran oo ay horumarin doonaan Ururka Maareeyayaasha Magaalada iyo Degmada, iyagoo kaashanaya Waaxda Carruurta, Sinnaanta, Naafada, Is-dhengalka & Dhallinyarada (DCEDIY), taasna waxay tixgelin doontaa baahiyaha codsadaha, cufnaanta dadka, baahida guriyeynta iyo helitaanka adeegyada bulshada ee khuseeya degmo kasta.
- Xulashooyin kaladuwan oo taageero ah ayaa lagu salayn doonaa iyada oo kuxiran nooca hoyga la siinayo.
 - Taageerada waxaa bixin doona ururada aan macaash doonka aheyn ee dadka nugul. Ururradan waxaa qandaraas siin doona oo maalgelin doona Waaxda Carruurta, Sinnaanta, Naafonimada, Is-dhengalka iyo Dhallinyarada si ay u siiyan adeegga goob gaar ah / guryo ama dhismeyaal gaar ah.
 - Haddii codsadaha aan loo arkayn inuu yahay qof nugul, shaqaalaha dib udejinta, oo ay kormeerayaan Waaxda Carruurta, Sinnaanta, Naafonimada, Isdhengalka iyo Dhallinyarada, waxay ka shaqeyn doonaan heer degmo si ay ugu xiraan codsadayaasha taageerada iyo adeegyada la siinayo.
 - Codsadayaasha iyo qoysaskoodu waxay xaq u yeelan doonaan inay helaan adeegyada guud, sida xagga waxbarashada iyo caafimaadka. Helitaanka taageero dheeri ah oo dhinaca luuqada Ingiriisida ah ayaa la bixin doonaa. Qaab cusub oo daryeel caafimaad ah ayaa la soo bandhigi doonaa.

- Codsaduhu wuxuu ka heli doonaa taageero dakhli lacageed ah Waaxda Carruurta, Sinnaanta, Is-dhexgalka iyo Dhallinta, taas oo ah heer sare oo la mid ah Gunnada Daryeelka Dheeraadka ah marka loo guurayo wejiga Labaad ee hoysiinta haddii aysan weli shaqo bilaabin, ama haddii mushaharkoodu ka hooseeyo xadiga loo baahanyahay. Codsadeyaasha carruurta leh sidoo kale waxaa lasiin doonaa lacag bixin masruuf ah.
- Codsadeyaashu waxay xaq u yeelan doonaan inay helaan shaqo haddii aysan helin go'aanka ugu horreeya lix bilood gudahood markay cadsadaan Magangelyada Caalamiga ah.
- Codsadeyaashu waxay xaq u yeelan doonaan inay helaan kaalmooyinka shaqo bilaabista iyo inay xiriir la yeeshaan shabakadaha loo shaqeeyaha. Waxay la xiriiri doonaan ganacsiyada bilawga ah iyo taageerida firkadaha ganacsiyada haddii ay helaan go'aano togan oo ku saabsan codsiyadooda Magangalyada Caalamiga ah.

Caruurta.

Labada Waji iyo Marxaladdiisa labadaba, waxaa xoogga la saari doonaa daryeelka carruurta iyo ilaalinta carruurta. Guddiyada Adeegyada Carrurta iyo Dhallinyarada (CYPSCs) waxay hubin doonaan iyagoo qayb ka ah qaab dhismeekooda kooxeed in si gaar ah diiradda loo saarayo baahiyaha carruurta, dhalinyarada iyo qoysaskooda ee goobaha dib u dejinta ee adeega magansienda Caalamiga ah, iyadoo talo laga helayo **Tusla** meelaha muhiimka ah. Dhinacyada adeeg bixinta si loogu daro Ka-hortagga, Iskaashiga iyo Taageerada Qoyska iyo Adeegyada Taageerada Waxbarashada.

Taageerada waalidnimada iyo adeegyada horumarinta ilmaha ayaa loo soo bandhigi doonaa qoysaska cadsadayaasha ah si ay u taageeraan horumarka ilmaha inta lagu gudajiro cadsashada Magangalyada Caalamiga ah. Xannaanada carruurta ayaa la bixin doonaa si loogu oggolaado waalidiinta inay ka qayb galaan xiisadaha luuqadda Ingiriisiga.

Daryeelka Caafimaadka.

Qaabka la horumariyay ee daryeelka caafimaadka bulshada, kooxaha daryeelka caafimaadka bulshada waxay horumarin doonaan qaab dhameystiran oo hufan oo ah loo daryeelayo cadsadayaasha Magangalyada Caalamiga ah. Kooxuhu waxay ka koobnaan doonaan adeegyada GP-ga, kalkaalinta caafimaadka iyo adeegyada shaqaalaha caafimaadka, tarjumaadda iyo taageerada NGO-yada, iyo takhasusyada sida dhakhtarka ilkaha, cilmunafsiga, iyo u gudbinta adeegyada caafimaadka maskaxda (dadka waaweyn iyo CAMHS) oo ku saleysan qiimeyn.

Caafimaadka Haweenka

Haweenka maraya nidaamka Caalamiga ee magangalyada waxay xaq u yeelan doonaan kaalmooyin taakuleyn la mid ah daryeelka caafimaad ee ay siinayaan muwaadiniinta reer Ireland, oo ay ku jiraan daryeelka taranka, daryeelka umusha, umusha iyo daryeelka umusha ka dib, baaritaanka xubinta taranka dumarka. Baaritaanka naasaha ayaa loo heli doonaa dhammaan codsadeyaasha da'doodu ka weyn tahay 50 jir. Waa muhiim in macluumaadka la xiriira adeegyadan loo gudbiyo hab la heli karo oo dhaqan ahaan xasaasi ah. Macluumaadka ku saabsan noocyada kala duwan ee taakuleynta daryeelka caafimaadka waxaa lagu bixin doonaa goobta ugu horeysa ee lala xiriiro marka la yimaado Xarunta Qaabilaadda iyo Isdhexgalka.

Caafimaadka Maskaxda.

Baahiyaha caafimaadka maskaxda ayaa loo aqoonsan doonaa inay qayb ka yihin Qiimaynta Caafimaadka guud oo ay ku wargelin doonaan Qiimaynta nuglaanta dhinaca maskaxda. Meesha codsadaayaashu leeyihii baahiyi caafimaad oo maskaxeet, oo ay ku jiraan dhaawac, waxaa loo gudbin doonaa xirfadlayaasha daryeelka caafimaadka ee leh khibrad la xiriirta, tanna waxaa lagu sameyn doonaa hab dhaqan xasaasi ah oo leh adeegyo turjumaad oo habboon. Marka qiimeyntan la sameeyo, daryeelka bulshada ee ku habboon ayaa la bilaabi doonaa dhammaan macluumaadka la xiriirana waxaa lala socodsiin doonaa adeegyada caafimaadka maskaxda waqtiga ugu habboon.

Maaddaama codsadaayaashu ay bilaabayaan inay wareegaan Wejiga Labaad, kaalmadooda caafimaadka ee dhimirka iyo shuruudaha daaweynta ayaa lagu dari doonaa nooca iyo meesha ay degi doonaan, si loo hubiyo sii wadida daaweynta iyo habeynta nolosha ee ku habboon baahidooda.

Nuglaanta

Hawsha Qiimaynta nuglaanta (dhibaatada) ayaa jiri doonta, iyada oo lagu dhisi doono baaritaanka u nuglaanta tijaabada ah iyo habka qiimeynta ee HSE ay ku taageerayso DCEDIY. Tani waxay ku lug leedahay qiimeynta nuglaanta marxaladda bilowga ah ee dalabka Magangalyada Caalamiga ah (oo lagu barbar wado nidaamka dalbashada Magangalyada Caalamiga ah ee xafiiska IPO). Natijada baaritaankaan waxay noqon doontaa taageerada u-diritaanka ee kooxda caafimaadka, marka loo baahdo.

Nidaamka Qiimeynta Nuglaanta ayaa go'aamin doonta hoyga iyo xulashooyinka taageerada ee la siiyo codsadaha. Hawlwadeenka loo xilsaaray codsadaha Marxaladda Koowaad wuxuu yeelan doonaa door si loo hubiyo in nuglaanta loo tixgeliyo go'aaminta nooca hoyga ku habboon baahiyaha codsadaha iyo heerka taageerada loo baahan yahay. Marka dhibaato ama nuglaan kale ay soo baxdo ka dib baaritaanka iyo qiimeynta bilowga ah, howlwadeenka loo xilsaaray kiska ayaa soo ogeysiin doona adeegyada ku haboon wuxuuna qabanqaabin doonaa qiimeyn dheeraad ah oo lagu sameeyo sida ugu macquulsan.

Qiimaynta socota ee dayacanka ama nuclaanta ayaa ah qayb muhiim ah oo ka mid ah geeddi-socodka guud ee shaqaalaha kiiska waxaanay muhiim u noqon doontaa geeddi-socodka maareynta kiiska iyo hubinta hab isku duuban ee ku saabsan bixinta adeegyada.

Xadgudubyada la xidhiidha guriga, Galmada, Rabshadaha ku saleysan Jinsiga iyo Dhibbanayaasha Ka Ganacsiga tahriibinta.

Hoyga magan-gelyo ee takhasuska oo wata nidaamkiisa ayaa loo diyaarin doonaa kuwa u baahan inay ka guuraan meel ka fog xiriir xadgudubka ama dagaalada.

Codsadayaasha Magangalyada Caalamiga kaasoo ka fogaadanaya xadgudubyada dhinaca xidhiidhka waxaa loo xaqiijin doonaa in codsigooda uusan saameyn doonin.

Waxbarashada

Dugsiga hoose iyo sare ee caadiga ah waa la sii wadayaa in la siiyo dhammaan carruurta codsadayaasha ah. Helitaanka waxbarashada heerka saddexaad waxaa loo fududeynayaa codsadayaasha deggenaa saddex sano ama ka badan een ku jiray nidaamka taageerada maaliyadeed ee gaarka ah ee la mid ah taageerada SUSI.

Kala duwaanshaha.

Nidaamkan cusub wuxuu u jawaabi doonaa aqoonsiyo kala duwan iyo baahiyodhaqameed kala duwan, iyadoo la siinayo tababar xirfadeed dhaqameed dhammaan dadka adeegyada bixinaya. Qorsheyaasha cayiman ee loogu talagalay dadka LGBTIQ +, dadka da'da ah iyo dadka naafada ah waa la siin doonaa. Dhaqamada kala duwan ee diinta la xidhiidha ayaa si xasaasi ah loola meelayn doona ama loo siin doonaa dadka.

Isdhexgalka.

Kooxo ka shaqeeya hay'adaha dhexdooda ayaa laga dhisi doonaa degmo kasta si ay isugu dubaridaan bixinta adeegyada codsadayaasha ee ku wajahan wajiga Labaad.

Nidaamka hadda jira ee shaqaalaha dib udajinta iyo shaqaalaha dhaqamada kaladuwan ee lagu magacaabay barnaamijka Ilaalinta Qaxootiga ee Irland si ay u taageeraan qaxootiga degmooyin gaar ah ayaa la balaarin doonaa si loo koobo codsadayaasha halka xulashada hoysiintu aysan ku jirin taakuleynta loogu talagalay ee ay bixiyaan ururada aan macaash doonka ahayn. Nidaam cusub oo joogto ah ayaa laga samayn doonaa degmo kasta taas oo shaqaalaha dib-u-dejinta iyo shaqaalaha dhaqamada-kala-duwan loo magacaabi doono si ugu shaqeeyaan shaqaalaha codsadayaasha la siiyo taageero hoosaysa.

Nidaam wadatashi oo cusub ayaa lala sameyn doonaa bulshooyinka ay khuseyso marka la dejinayo xarunta Qaabilaadda iyo Isdhexgalka ee deegaan gaar ah. Kooxda wada shaqeeynta wakaaladaha kaladuwan ayaa soo bandhigi doonta qaabka lagu ogeysiinayo maamulada dowliga ah iyo qaab dhismeedka bulshada markii la go'aansanayo in la dhiso, la iibsado ama la kireysto guriga marxalada labaad kaas oo ku yaala goob gaar ah.

Monitoring Wellbeing

Waaxda Carruurta, Sinnaanta, Naafonimada, Is-dhexgalka, iyo Dhallinyarada waxay horumarin doontaa dhowr tilmaamayaal samaqab ah oo loogu talagalay dadka ku jira magangalyada Caalamiga ah, si ay u qiimeeyaan hay'ad madax-bannaan xiliyo kala danbeeya oo joogto ah.

Qaab maamul iyo fulin wada socda ayaa ayaa la hawlgalinayaa kaas oo lagu qaabilayo ilaa 3,500 oo codsadayaal ah sanadkiiba. Iyadoo la raacayo qaabkan cusub, Wasaaradda Caddaaladda waxay horumarinaysaa barnaamij dib-u-habeyn ah oo ku saleysan talooyinka Kooxda La-talinta ee loogu talagalay yareynta waqtiyada ka-shaqeynta ee codsiyada magangalyada Caalamiga ah.

Waaxda Carruurta, Sinnaanta, Naafonimada, Is-dhexgalka iyo Dhallinyarada ayaa hoggaamin doonta horumarinta qaabkan cusub oo dhaqan gelaya inta u dhexeeya Febraayo 2021 iyo Diseembar 2024. Dhaqangelinta qaabkan cusub waxaa kormeeraya Guddiga Barnaamijka taasoo ay ku jiri doonaan wakiillo ka socda Waaxaha iyo hay'adaha dowladda ee ay khusayso, NGO-yada, ugu yaraan hal qof oo ku soo gudbay nidaamka Direct provision ah iyo khuburo ku habboon.

Guddiga Barnaamijka waxaa shir-guddoomin doona Waaxda Carruurta, Sinnaanta, Naafonimada, Is-dhexgalka iyo Dhallinyarada. Guddi Barnaamij oo gaar ah ayaa Waaxda Caddaaladda u sameysay inay kormeerto hirgelinta dib-u-habeynta ka timaadda Kooxda La-talinta. Wasiirka Carruurta, Sinnaanta, Naafada, Is-dhexgalka iyo Dhallinyarada iyo Wasiirka Caddaaladda ayaa si wada jir ah warbixin ugu siinaya Guddiga Xukuumadda ee Arrimaha Bulshada iyo Sinnaanta howlaha Guddiyada Barnaamijyadooda iyo hirgelinta dib-u-habeynta la soo jeediyay.

Koox latalin dibadeed ah oo ka kooban seddex qof oo madaxbanaan waxaa magacaabi doona Wasiirka Caruruurta, Sinnaanta, Naafonimada, Isdhexgalka iyo Dhalinyarada si ay ula socdaan hirgelinta qaabkan cusub. Waxay daabici doonaan warbixinno si wakhtiyaysan taas oo ku saabsan horumarka dib-u-habeynta iyo inay soo bandhigaan wixii walaac ah ee ka dhasha arintan.

Guddi Barnaamij oo gaar ah ayaa Waaxda Caddaaladdu u sameysay inay kormeerto hirgelinta dib-u-habeynta ka ay soo jeediyaan Kooxda La-talinta. Waxay sidoo kale warbixin ka siin doontaa Golaha Wasiirada ee Arrimaha Bulshada iyo cadaalada wixii ku saabsan hirgelinta dib-u-habeynteeda maaddaama ay saameyn ku yeelanayaan horumarinta iyo hirgelinta qaabkan cusub ee hoysiinta iyo taageerada.

Waaxda Carruurta, Sinnaanta, Naafonimada, Is-dhexgalka iyo Dhallinyarada ayaa kormeeri doonta sida loogu gudbayo qaabka cusub. Marka la eego kakanaanta hababka badan ee la soo jeediyey, iyo inta ay le'eg tahay khibradda loo baahan yahay, tixgelinta waxa la siin doonaa marxaladda ugu horreysa ee su'aasha ah in loo baahan yahay in la dhisoo hay'ad maamusha qaabkan cusub iyo in kale.

Soo Koobidda Warqadda Wargalinta.

Qaybta 1aad: Joojin Direct Provision: Qaab Cusub oo loogu Taakuleynayo Dadka Raadinaya Qaxootinimada Ireland.

Qaybta 2aad: Fulinta, Maamulidda iyo khatarta.

Qaybta 3aad: Gundhigga Dib-u-habaynta

Qeybta 1aad waxay dejineysaa habka cusub ee lagu taageerayo dadka doonaya Magangalyada Caalamiga ah.

Cutubka 3aad wuxuu qeexayaa mabaadi'da saldhig u noqon doonta qaabka cusub, heerarka lagu dabaqi doono iyo qaabka degsiimada qaran ee go'aamin doonta goobta la dejinayo dadka. Waxay sheegaysaa faahfaahinta hoysiinta iyo taageerooyinka la socda ee lagu siin doono codsadaha Xarunta Soo Dhaweynta iyo Isdhexgalka inta lagu jiro Wejiga Koowaad (afarta bilood ee ugu horreysa) ee hawsha. Waxay sidoo kale qeexaysaa faahfaahinta hoysiinta dhinacyada kala duwan leh iyo taageerooyinka la socda ee la siin doono codsadayaasha Wajiga Labaad ee hawsha oo dhici doonta afar bilood kadib. Sharaxaad ayaa sidoo kale laga bixiyay barnaamijka dib-u-habeynta ee loo qoondeeyay iyadoo la soo gaabiyo waqtiyada ka-shaqeynta ee codsiyada Magangalyada Caalamiga ah.

Cutubka 4aad wuxuu qeexayaa sida nidaamkan cusub uu u daboolayo baahida codsadayaasha. Waxay qeexaysaa talaabooyinka la qaadi doono si loo horumariyo tayada tarjumaadda iyo bixinta macluumaadka. Dib-u-habeynta la soo jeediyey ee la xiriirta bixinta daryeelka caafimaadka ayaa sidoo kale la sharraxay, oo ka tarjumeysa baahida loo qabo hab loo waafajiyo baahiyaha caafimaad ee kala duwan oo inta badan adag. Wuxuu qeexayaa sida nidaamka cusub ee qiimaynta nuglaanta kaas oo go'aamin doona hoyga iyo xulashooyinka taageerada ee ku habboon baahida codsadaha.

Waraaqda Cad waxay aqoonsan tahay in dadka kaladuwan ay yeelan doonaan baahiyoo kaladuwan oo kuxiran xaaladooda. Marka tan la eego, waxay dejineysaa wadiiqooyinka loo adeegsan doono kuwa ugu nugul, carruurta iyo dhallinyarada, oo ay ku jiraan carruurta aan waalidkood la socon, dadka LGBTIQ +, dadka da'da ah iyo kuwa naafada ah. Waxay aqoonsan tahay in loo baahan yahay taageero dhaqameed iyo in kuwa la shaqeeya codsadayaasha ay u baahan doonaan tababar ku saabsan karti-dhaqameed.

Cutubka 4aad wuxuu kale oo uu qeexayaa kaalmooyinka la bixin doono ee la xiriira tababbarka luqadda Ingiriisiga, waxbarashada, firfircoonda shaqada, shatiyada wadista baabuurta, koontooyinka bangiga iyo daryeelka carruurta. Waxay si faahfaahsan uga hadlaysaa hababka kaalmada dakhliga ee la adeegsan doono, oo ay ku jiraan dadka carruurta haysta. Waxay seeska u dhigaysaa qabanqaabooyinka loogu wareejinayo adeegyada guud ee loogu talagalay kuwa hela natiijo wanaagsan oo ku saabsan codsiyadooda Magangalyada Caalamiga ah iyo sidoo kale qabanqaabada dadka codsiyadooda aanay guuleysan.

Cutubka 5aad wuxuu qeexayaa sida isuduwidda hawsha loo fulin doono heer maxalli ah. Waxay sidoo kale qeexaysaa qaabdhismeedka la dhisi doono si loo fududeeyo kaqeybgalka bulshada iyo in la hubiyo in qaabka cusub uu ku dhexjiro heerarka bulshada ee jira sida SICAP.

Cutubka 6aad wuxuu dejinayaa mabda'a ah in tallaabooyinka muhiimka ah ee ladnaanta la horumarin doono oo si madax-bannaan loola socdo, iyadoo si joogto ah loo soo tebin doono.

Cutubka 7 wuxuu qeexayaa sida moodelkan cusub loogala kulmi doono aragtida codsadaha.

Qeybta 2aad waxay dejineysaa qorshaha hirgelinta si loo hubiyo gaarsiinta nidaamka cusub.

Cutubka 8aad wuxuu qeexayaa hirgelinta iyo qaabdhismeedka maamul ee lagu dabaqi doono nidaamka cusub. Tani waa nidaam dowladeed oo dhan oo ay hogaamiso Waaxda Carruurta, Sinnaanta, Is-dhexgalka, Naafonimada iyo Dhallinyarada laakiin ay ku lug leeyihiin waaxyo iyo hay'ado badan oo dowladda ka tirsan. Waxay ku matali doonaan Guddiga Barnaamijka oo ay ku jiri doonaan mataaladda codsadayaashii hore iyo NGO-yada iyo sidoo kale khubaro.

Cutubka 9aad wuxuu sheegayaa waxyaabaha aasaaska u ah qorshaha hirgelinta ee looga baahan doono in loogu gudbo nidaamkan cusub.

Cutubka 10aad wuxuu qeexayaa qiimaha ka dhalan kara ee uu ku kacayo qaabkan cusub. Kuwaas waxaa ka mid ah raasumaalka iyo kharashyada hadda ku baxa hoyga, bixinta taageerooyinka, kaalmada dakhliga, daryeelka caafimaadka, daryeelka carruurta iyo adeegyada kale.

Qeybta 3aad waxay qeexaysaa asalka iyo siyaasada guud ee dib u habeynta la soo jeediyay.

Cutubka 11aad wuxuu qeexayaa waajibaadka Midowga Yurub ee Ilaalinta Caalamiga ah ee ay tahay inay Ireland u hoggaansanaato. Waxay sidoo kale qeexaysaa dadaallada dib-u-habeynta hore ee lagu wargelinayo qaabka lagu soo bandhigay Warqadda wargalinta. Kuwaas waxaa ka mid ah Kooxda Shaqada ee Nidaamka magangalyada oo ay ku jiraan Direct provision iyo Taageerada Magangelyo-doонка oo uu guddoomiye u yahay Garsoore Bryan McMahon (2015), IGEES Spending Review (2019), Kooxda Iskuxirka ah ee Direct provision (2019), Guddiga Wadajirka Oireachtas Inter-Departmental Group on Direct Provision ee ku saabsan Warbixinta Caddaaladda iyo Sinnaanta ee Direct provision (2019) iyo Warbixinta Kooxda khuburada ah ee La-talinta ee Bixinta Taageerada, oo ay ku jiraan Hoysiinta, ee Dadka ku jira Nidaamka magangalyada Caalamiga ah oo uu hoggaaminayo Dr Catherine Day (2020).

Mawduucyada guud ayaa ka soo baxa talooyinka la soo jeediyey ee hindisooyinkii hore ee dib-u-habeynta. Kuwaas waxaa ka mid ah:

- Nidaamyo cadaalad ah oo dhakhso leh, kaas oo yareynaya waqtiyada ka baaraandegidda codsadaayaasha;
- Taageerida Shakhsiyadka la siiyay xaalad magangalyo inay uga guuraan Direct provision sida ugu dhakhsaha badan ee suurtogalka ah;
- Yaraynta waqtiga xaddidan ka hor inta aan la siinin codsadaayaasha xaquuqda shaqo;
- Yaraynta isticmaalka hoyga degdegga ah sida ugu dhakhsaha badan ee suurtogalka ah;
- Kordhintu tirada xarumaha ay Dawladdu maamusho / kuwa Gobolku kireeyo;
- Soo bandhigida Qiimeynta nuglaanshaha sida ugu dhakhsaha badan;
- Hagaajinta la shaqeeynta iyo la-tashiga bulshada deegaanka ee ku nool aagga xarumaha guryaha ee hadda jira ama qorshaysan;
- Siinta codsadaayaasha dalabyo badan oo guryo sheegasho ah, gaar ahaan kuwa ka badbaaday tahiibinta dadka iyo xadgudubyada galmada;
- Qabashada wareysiyada IPO hab dhexdhedaadnimno ah, iyadoo la adeegsanayo xarumo goboleedyo kala duwan oo dalka oo dhan ah, iyo adeegsiga tikniyoolajiyadda wada-hadalka fiidiyowga;
- Ka mid noqoshada codsadaayaasha bulsho weynta Irish marxalad hore ee soo galidda.
- Oggolaanshaha Hay'ado Guriyeynta ee la Oggolaaday inay siiso hoy dheeraad ah codsadaayaasha, gaar ahaan kuwa leh baahiyaha adag;
- Dalbashada Heerarka kala duwan ee hoysiinta Qaranka ee loo fidiyay dadka ku jira Nidaamka magangalyada Caalamiga ah si isdaba joog ah dhammaan xarumaha guryaha iyadoon loo eegin qaabka bixinta.

Cutubka 11aad wuxuu kaloo sheegayaa dib-u-habeynta la hirgaliyay ilaa hadda. Kuwaas waxaa ka mid ah:

- Doorashada in la ogaado Xaaladaha xarunta Soo Dhaweynta(2013/33 / EU) waxay waafajineysaa qaab-dhismeedka sharci ee Ireland ee xaaladaha soo dhaweynta iyo kuwa dhiggooda ah ee Yurub;
- Soo bandhigida Xuquuqda Shaqada bisha Juun 2018 dhammaan codsadaayaasha aan helin go'aanka koowaad ee codsigooda mudo 9 bilood gudahood;
- Soo bandhigida tas-hiilaadyo madax-bannaan (is quudin) oo loogu talagalay dadka deggan guryaha IPAS isla markaana si tartiib tartiib ah loo kordhiyo saamiga xarumaha ay ku leeyihin goobtaas.

- Furitaanka hoy u gaar ah oo loogu talagalay dadka deegaanka isla markaana si tartiib tartiib ah u kordhinaya saamiga guryo u gaar ah oo ay ku leeyihii nidaamka;
- Yaraynta waqtiga hawsha ee go aaminta marka koowaad iyo labaad;
- Kordhintaa xadiga Gunnada ee Bixinta Tooska ah ee la siiyo dadka deggan xarumaha IPAS, heerka hadda oo ah € 38.80 ee dadka waaweyn iyo € 29.80 ee carruurta toddobaadkii
- Kordhintaa xafiisyada Ombudsman-ka iyo Ombudsman-ka caruuurta oo lagu daro cabashooyinka la xiriira adeegyada la siiyo dadka deggan xarumaha hoyga;
- Daabacaadda Heerarka haysiinta Qaranka ee loogu deeqo dadka ku jira Nidaamka magangalyada Caalamiga ah, kaas oo qeexaya heerarka ugu yar ee hoyga la siinayo dadka deggan xarunta. Nidaam kormeer madaxbanaan oo kormeera heerarkaan ayaa hadda la soo saaray.

Cutubka 12 wuxuu bixinyaaa dulucda mawduuca oo ku saabsan taloooyinka warbixinadii hore ee dhinacyada hoysiinta, waxbarashada, tarjumaadda, nidaamyada IT-ga, ka saarista kuwa leh xaaladda lagaga saarayo nidaamka tooska loo bixiyo, soo iibinta qalabka hoyga, xaq u lahaanshaha shaqada, taageerida, kala-guurka, caruuurta aan qaangaadhin ee aan waalidkood la socon, dhibanayaasha tahriibka, Qiimeynta nuglaanta iyo yareynta waqtiyada ka shaqeynta hawshan.

Cutubka 13 wuxuu soo koobaya la-tashiga daneeyayaasha oo dhacay si loo ogeysiyo horumarinta macluumaadka wargalinta.

Nidaam wadatashi oo dhinacyo badan taabanaya ayaa la qabtay si loo ogeysiyo horumarinta nidaamkan cusub. Tani waxaa ka mid ahaa munaasabado wadatashi oo lala yeeshay NGO-yada iyo dadka deggan xarumaha Adeegyada Degenaanshaha Caalamiga ah. Kulamo laba geesood ah ayaa lala yeeshay Waaxyaha iyo Hay'adaha Dowladda iyo Ombudsman, Ombudsman ee carruurta iyo Guddiga Xuquuqda Aadanaha iyo Sinnaanta ee Irland. Arimaha ugu waaweyn ee lagu soo qaaday wadatashiga lala yeelanayo dadka deegaanka iyo ururada samafalka ah ayaa la dejiyey.

Ugu dambeyntiina, qaybo lifaaqyo ah ayaa lagu soo daray kuwaas oo si faahfaahsan u bixinaya qaabka cusub ee bixinta adeega caafimaadka ee ay soo saartay Waaxda Caafimaadka. Waxay ka mid yihiin lifaaqyada tirakoobka ee ka baaraandegidda codsiyada ay bixiso Waaxda Caddaaladda. Waa kale oo ku jira macluumaad ku saabsan qaababka ay hirgeliyeen Faransiiska iyo Iswidhan oo ahaa waddamada isbarbardhiga ah ee ay soo jeediyeen in laga fiirsado Xafiiska Taageerada Magangelyada Yurub